

BAB V: PENUTUP

A. Kesimpulan

1. IAIN Ar Raniry menghadapi kekurangan dari kemudahan infrastruktur dan tenaga pakar yang berpengalaman. Keadaan ini menyulitkan usaha institusi ini menghasilkan mahasiswa berprestasi cemerlang.
2. Kewujudannya menjadi lambang bagi sebuah masyarakat Islam dan diberi harapan yang besar bukan saja untuk kemajuan umat Islam di Aceh tetapi juga bagi seluruh negara Indonesia dan negara-negara lain. Harapan ini menjadi satu kewalahan bagi sebuah institusi yang menghadapi berbagai masalah.
3. IAIN Ar Raniry adalah sebuah pusat pengajian tinggi yang memberikan jurang perbezaan yang ketara bagi mahasiswa yang berminat untuk belajar dengan mahasiswa yang tidak berminat dalam pelajaran. Pencapaian yang cukup

memberansangkan diperolehi bagi mereka tekun begitulah sebaliknya. Keterbukaan IAIN Ar Raniry telah memberikan bidang pemikiran yang luas bagi mahasiswa yang rajin dalam pengkajian ilmu-ilmu yang berkaitan dengan Islam. Ramai yang telah berjaya di peringkat antara bangsa adalah hasil dari didikan yang diperolehi di IAIN Ar Raniry tetapi sebaliknya masih ada yang tidak dapat mengubah nasib setelah mengikuti pengajian di IAIN Ar Raniry. Mahasiswa ini sentiasa bergelut dengan kekurangan sumber ekonomi dan banyak menghabiskan masa dengan bekerja. Mahasiswa ini akhirnya menjadi sebahagian dari jumlah mahasiswa yang tercirir. Mereka tidak lagi dapat meneruskan kuliah di IAIN Ar Raniry.

4. Sesuatu yang menarik telah didapati di institusi ini ialah haluannya yang menuju kepada pengislaman semua bentuk ilmu yang terdapat pada masa sekarang. Agama Islam mencakup semua aspek kehidupan termasuk ilmu pengetahuan. Oleh itu, usahanya meletakkan semua

displin ilmu yang harus dipelajari oleh masyarakat Islam adalah sesuatu yang baik. Fakulti Biologi, Kimia, Ilmu Perpustakaan dan lain-lain diberikan program pendidikan khusus adalah sebahagian pengetahuan yang diperlukan masyarakat. Selagi manusia itu hidup, ajaran Islam tidak pernah keluar daripada garis landasan kehidupan. Oleh itu, meletakkan semua bidang ilmu sebagai bidang pengkajian Islam, tidak ada batasan dalam mendapatkan pengetahuan dari setiap bidang ilmu adalah prinsip yang diamalkan oleh IAIN Ar Raniry.

5. Kemajuan yang amat mencabar ini perlu dicorakkan oleh IAIN Ar Raniry berlandaskan kepercayaan dan sokongan padu masyarakat terhadapnya. Kekurangan kebijaksanaan menangani masalah masyarakat adalah berpunca dari kekurangan dasar pendidikan. IAIN Ar Raniry telah berusaha memberikan sumbangannya kepada masyarakat tetapi belum setanding dengan keperluan masyarakat.

B. Saranan-saranan

Terdapat beberapa saranan yang dapat dinyatakan di sini bagi meningkatkan fungsi IAIN Ar Raniry di antaranya ialah :-

1. Pemimpin dan kakitangan perlu meningkatkan mutu kerja dan menangani setiap masalah pendidikan dengan serious. Ini akan dapat meningkatkan prestasi pelajar di samping mampu memberikan semangat ketekunan ke dalam diri mahasiswa. Kekurangan tenaga pengajar yang lebih berpendidikan dan berpengalaman perlu di atasi dengan secepatnya walaupun sudah ada usaha-usaha yang sedang dijalankan sekarang. Pembahagian pengurusan dan pentadbiran perlu dikemaskinikan lagi pada peringkat pegawai dan kakitangan. Ini bagi mengelakkan kakitangan yang sering lalai semasa

bertugas dan lebih membentuk pengurusan yang lebih sistematik.

2. Pihak-pihak tertentu disarankan dapat memberikan sumbangan dan bantuan untuk membeli alat-alat bantuan mengajar dan semua kemudahan yang diperlukan oleh institusi ini. Buku-buku rujukan dan komputer perlu ditambah untuk menambah bahan-bacaan mahasiswa dalam bahasa Arab dan Indonesia serta bahasa Inggeris.
3. Sistem pembelajaran dengan menggunakan khidmat masyarakat adalah baik dan perlu diperkembangkan lagi bagi setiap mahasiswa IAIN agar dapat menghafal separuh Al-Quran. Mahasiswa Jabatan Tafsir Hadis perlu menghafal keseluruhan Al Quran. Galakan dalam pembelajaran perlu diterapkan kepada mahasiswa yang menghadapi masalah ekonomi.
4. Mahasiswa disarankan agar menuntut ilmu dengan lebih tekun. Walaupun sukar mendapatkan pekerjaan tetapi

menuntut itu untuk mendapatkan ilmu sebagai bekal
untuk generasi yang akan datang bagi mengatasi
masalah keciciran.

5. Adalah diharapkan masyarakat dapat menghentikan
pergolakan dan menumpukan sepenuh perhatian kepada
pembangunan material dan kemanusiaan. Sebagai
sebuah institusi yang berada di tengah masyarakat IAIN
Ar Raniry harus mampu berusaha sekuat tenaga
membentuk masyarakat madani seperti yang diimpikan.

menuntut itu untuk mendapatkan ilmu sebagai bekal untuk generasi yang akan datang bagi mengatasi masalah keciciran.

5. Adalah diharapkan masyarakat dapat menghentikan pergolakan dan menumpukan sepenuh perhatian kepada pembangunan material dan manusia. Sebagai sebuah institusi yang berada di tengah masyarakat IAIN Ar Raniry harus mampu berusaha sekuat tenaga membentuk masyarakat madani seperti yang diimpikan.